

## **KALE EGOERAN DAUDEN PERTSONEN BEHARRAK DIRELA ETA KONTROL MOZIOA**

Olaia Duarte Lópezek, EH BILDU udal taldeko zinegotziak, eta Aitzole Araneta Zinkunegi, ELKARREKIN DONOSTIA udal taldeko bozeramaileak, Udaltzaren Organo Araudiaren 98. artikulua oinarri, mozio hau aurkezten dute Udaltzaran azter dadin. Mozioa 2020ko maiatzaren 11n Pertsonen Batzordean aztertutako interpelazioaren ondorioa da.

### **JUSTIFIKAZIOA**

COVID19ak eragindako osasun-alarma egoerak lehendik zaurgarritasun egoeran bizi ziren pertsona eta kolektiboen egoera okertu du. Haien artean, etxerik gabeko pertsonak daude.

Martxoaren 14an biztanleriari guztiari etxean gelditzeko agindua ematen zitzaion bitartean, gure hirian kale egoeran zeuden 200 pertsonen etxegabezia arazoa areagotu zen. Izan ere, irtenbiderik gabeko egoera baten aurrean zeuden: alde batetik, hiriko baliabideek bakarrik 70 bat lagunentzako aterpea eskaintzen zuten eta, bestetik, ezin zuten kalean jarraitu eta horrela adierazi zitzaizen Udaltzaingoaren eta Ertzaintzaren bidez (kasu batuetan, isunak eta mehatxuak direla medio).

Gauzak horrela, hirugarren sektoreko eragileek eta oposizioan gauden taldeek alkateari eta Gizarte-ekintzako zinegotziari eskatu genien:

- Kale egoeran edo baldintzarik gabeko eraikin eta fabriketan dauden pertsona guztienezko ostatua bilatzea Udalak erabili ditzakeen baliabideen bidez (pentsio eta hotelen erabilera barne).
- Kale egoeran dauden pertsonentzako dutxa zerbitzu bat martxan jartzea (3 aste egon dira zerbitzurik gabe).
- Arropa garbitzeko zerbitzua eskaintzea.
- Arreta psikologiko eta psikiatrikoa bermatzea, osasun mentaleko sarearekin lankidetzan.
- Elikagai banaketa ziurtatzea, auzoetako zaintza sareak eta Hiriko Harrera Sarearekin lankidetzan.

Aste hauetan zehar, Udalak erantzuna eman die behar batzuei: martxoaren 19tik aurrera kale egoeran dauden pertsonentzako 130 plaza sortu dira (50 Atanon, 44 UBAn eta 36 Ondarretako Aterpetxean), hezitzaileak kontratatu dira zerbitzuak kudeatzeko, etab. Guztira, 172 plaza izan ditugu hirian konfinamenduan etxe gabekoei ostatua emateko. Baina beste behar batzuek atenditu gabe jarraitzen dute: kale egoeran daudenen osasun mentalaren arretan hutsuneak daude, Atanoko instalazioak ez dira egokienak (takilak falta dira, segurtasun arazoak daude...) eta hirugarren sektoreko eragileek diotenez 70-80 bat pertsona daude ostatua izateko itxaron zerrendan.

Aldi berean, Hiriko Harrera Sareak krisia hasi denetik azaleratu du antolatutako elikadura banaketa sisteman Udalak ez duela baliabide nahikorik jartzen, horiek Harrera Sareak boluntarioki jartzen dituen baliabideen esku egonez hein batean, Udalaren ardura izan beharko lukeen arren.

Gainera, ez dago batere argi zer gertatuko den gaur egun plaza bat duten 172 pertsona hauekin. Hiriko Harrera Sareak dagoeneko hasi du “ez itzazue kaleratu” izeneko kanpaina eta inor kalean ez uzteko manifestu bat zabaldu du (une honetan 50 elkartek eta 1.000 pertsonak sinatu dute). Aldi berean, apirilaren 20an erregistratuko dokumentuan honako eskaera hauek luzatu dizkio Udal Gobernuari:

*Para ello, sometemos a la consideración de esta corporación los siguientes acuerdos:*

- 1) Mantener acogidas a las personas que a día de hoy están en los recursos de urgencia habilitados con motivo del confinamiento, una vez finalizado el mismo, en tanto se arbitran soluciones definitivas.*
- 2) Planificar la puesta en pie de equipamientos no masificados, para un número gestionable de personas, con espacios de intimidad, adecuados a las características específicas en los casos de familias con hijos, mujeres... Situados en el entorno urbano compatibles con las actividades habituales de carácter educativo, laboral, de ocio... Que cubran las necesidades de alimentación. Que cuenten con la atención del número de profesionales necesario.*
- 3) Incluir en esa planificación a quienes habitan todavía en edificios abandonados.*
- 4) Reforzar los equipos profesionales y de los servicios sociales, en cantidad suficiente, para poder asumir estas tareas y ayudar a las personas usuarias a salir adelante.*
- 5) Habilitar Comedores Sociales Públicos tanto para este segmento de personas como para toda la población vulnerable que lo necesite.*

Maiatzaren 11ko batzordean Gizarte-ekintzako delegatua interpelatu dugunean adierazi digu konfinamendu eperako irekitako plazak ez direla mantenduko eta, hortaz, 2 hilabetez ostatua zein interbentzio soziala izan duten 172 pertsonetatik gehienak baliabide hauek gabe geldituko direla, haien ongizate fisiko eta psikologikorako sekulako atzerapausoa izan arren.

Hortaz, azaldutako egoera kontuan hartuta, behean sinatzen duten zinegotziek honako MOZIO hau aurkezten dute:

### **KONTROL MOZIOA**

- 1.- Udalbatzak hertsatuki eskatzen dio Udal Gobernuari konfinamendurako sortu diren 172 plazak mantendu ditzala pertsona hauentzako baliabide sozial duinak irekitzen diren bitartean.
- 2.- Udalbatzak hertsatuki eskatzen dio Udal Gobernuari definitu eta planifikatu dezala nola bete Etxegabekoentzako Euskal Estrategian hartutako konpromisoa, hau da: Donostian kalean lo egiten duten pertsonen kopurua 2020rako %20 murriztea, horretarako beharrezkoak diren plaza eta



EH BILDU-ELKARREKIN DONOSTIA (Podemos / Ezker Antiza-IU / Equo Berdeak)

Ijentea, 1 - Tel. 943481027 - [www.donostia.ehbildu.eus](http://www.donostia.ehbildu.eus) -  
20003 Donostia

baliabide egonkorak sortuz.

3.- Udaltzak hertsatuki eskatzen dio Udal Gobernuari gaur egun larrialdi-baliabideetan dauden pertsonak babestuta eduki ditzala, horretarako Udalak kudeatzen dituen baliabideak erabiliz behar izanez gero, horien artean eta bereziki, Donostiako etxebizitza parke publikoa, behar izanez gero.

4.-Udaltzak hertsatuki eskatzen dio Udal Gobernuari hiriko Harrera Sareak egindako 5 eskaerei erantzuna emateko konpromisoa lantzeko bilera bat antolatu dezala.

Donostian, 2020ko maiatzaren 19an

Olaia Duarte López  
**EH Bildu udal taldeko zinegotzia**

Aitzole Araneta Zinkunegi  
**Elkarrekin Donostia udal taldeko bozeramailea**